

السبعين وصايا

تألیف محمد امین راضی

اخراج خالد مسرعی

الوصية الأولى

نام و ارتاح

نهار داخلي

شقة سيد نفيسة - الصالة

نرى شقة يبدو عليها الأتساع الشديد ولكن في نفس الوقت نرى عليها الفقر الشديد للغاية فالآلات متهالك بشدة وقد يم ويبدو ان هناك حالة من الرتابة والجمود في ذلك المنزل واضحة للغاية ونرى خزينة صغيرة مكسورة ومرمية على الأرض

تجلس بوسى نفيسة (امرأة في نهاية الثلاثينات عادمة الجمال وان يبدو عليها قوة الشخصية) ممسكة بطرف في يدها الدموع تجتمع في عينيها وفي اليد الأخرى ورقة يبدو انها حساب بنكي وجلس في الصالة كل من ام ام نفيسة (امرأة ثلاثينية متوسطة الجمال ترتدي خمار) و مرمر نفيسة (امرأة في نهاية العشرينات في غاية الجمال ويبعد انها مهتمة بجمالها وهندسها بشدة رغم الفقر الواضح عليها) ويبعد عليها التوتر الشديد وهي تفرض اظافرها وبجوارها تجلس هند نفيسة (فتاة في بداية العشرينات محجبة ومحتمسة بشدة وان كان يbedo على ملابسها انها تفهم كيف ترتدي حيث لا يظهر عليها ملامح الفقر كما على الاخريات) بينما يقف كل من محمود نفيسة (رجل في منتصف الثلاثينات يbedo عليه الدهاء) ينظر الى بوسى بتركيز عالي للغاية وهو يحاول ان يستوعب ما يحدث بينما يقف على بعد صبرى نفيسة (رجل في او اخر العشرينات غير ملتحي ولكن على جبينه علامة الصلاة) وجلس على الارض منصف نفيسة (شاب في بداية العشرينات يbedo عليه الاستهثار) وهو يلف سيجارة بانجو

ترفع بوسى رأسها لتنظر اليهم وهي تشيح بالخطاب البنكي وقد ادمعت عينها بشدة

بوسي :

28 مليون جني .. رصيده في البنك 28
مليون جني .. بعد كل الفقر و الشقى والذل ..
يطلع رصيده في البنك 28 مليون جني .. 28
مليون .. وسايني اشتغل خدامة في البيوت
وما فرقش معاه .. وبعد كده ترجعوا تقولو
الموت فيه مش حلال

وهي تنهض لتجدهم

بوسي :

ليه ؟ .. مين فيكوا شاف منه خير .. مين
فيكوا شاف منه حنية ولا حب .. ده جنة كل
واحد فينا لسع النار معلم فيها رقات .. ايه يا
ولاد نفيسة رقدة السرير نسيتكوا ولا ايه ؟
صبرى : ما اختلفناش .. بس ده مش معناه
انتا نقتله يا بوسى .. ده ابونا ... انا مش فاهم
انتي بتفكري ازاي ولا طلعت في دماغك
ازاي .. ده الضبع ما بيعملوش كده

مرمر :

وادينا مستنين قدر ربنا ... ليه عازة تشهلي
بالله ربنا لسه ما ردهوش .. وتودينا في
داهية

بوسي :

ما بيموتش .. 6 سنين عدوا .. دوب دكتورين
.. ماتوا ... وهو ما بيموتش .. وانا مش
هستحمل فقر وذل اكتر من كده .. ده غير ان
كل واحد شاكل ان امنا ما ممتنش موت ربنا
.. والنهاerde الشك ده اتأكد ... وما بقتش شاكه
لا .. انا بقىت متأكده اكتر ما متأكدة اني
شايفاكوا وافقين وقادعين قدامي دلوقتى

يرفع محمود يده معترضا

محمود :

انا عن نفسي من هنا ورايح مش هحط مليم
في علاج .. ده انا بقطع من اوتي و أوت
المحل .. علشان اعالجه .. وفي الاخر يطلع
يشترينى ويشتريko .. ويشتري بلدى .. ده
كلام ما يرضيش مسلمين ولا نصارى ولا
يهود حتى ... واللى يعوزه البيت يحرم ع
الجامع .. ما بالك بقى لو الجامع صندوقه فيه
28 مليون اهيف .. ولا ايه يا شيخنا .. هو
الحرام و الحلال مش ع الكل .. ولا حرام
 علينا .. حلال عليه ... مين فينا ما اتمناش
الموت من يوم ما وعي ع الدنيا لحد ما رقد
على سريره .. بسبب اللي شوفناه منه

هند :

انا مش مصدقة اللي انتوا بتناقوشوه ده ... قتل
ايه اللي بتتكلموا عنه ؟ ... انا حاسة ان انا
قاعدة وسط عصابة .. مش وسط اخواتي ...
انتوا حساب البنك جنوكوا ولا ايه ؟؟؟

ينهض منصف من على الارض ليقف بجوار بوسي

منصف :

انا مع بوسي .. ده لو استثناء يموت هيموتنا
كلنا .. كان ماشي ايام ما موتة كان بلوشي
.. لكن دلوقتى موتة هيقع على الواحد بأربعة
مليون جنيه

ام ام :
حسبتك غلط الراجل فيكوا هياخد 5 مليون و
الف .. ولا فيه يا صبرى 600

صبرى :
صبرى قرفان منكوا ومش هيرد ... علشان
صبرى ما يعرفش غير كلام ربنا ... وانتوا
نصكوا .. ما يعرفش ربنا من اساسه

بوسي :
واحنا مش عايزةينك ترد ... احنا عايزةينك
تسكت .. و تغمى عينك لو لزم الامر

هند :
يسكت عن ايه يا بوسى ؟ اللي انتوا بتفكروا
فيه ده جنان وهيدينا كلنا في دائية .. ورغم
العيشة والقرف والذل والفقير والبهلة ..
والكره اللي جوانا ليه .. لكن يفضل في الآخر
ورا كل اسم واحد فينا في البطاقة .. اسم سيد
نفيسة .. ابونا

بوسي :
انا عمري ما اعتربته انه ابويا ... لا بالخلفة
... و لا بالبطاقة يا بنت امي

يقف بجوارها محمود

محمود :
ولا انا

منصف :
ولا انا

وتقف بجوارها ام ام

ام ام :
ولا انا

يقف الاربعة ينظرون الى هند وصبرى الواقفان امامهم بينما مازالت مرمر جالسة بينهم

ام ام :
وانتي يا مرمر رأيك ايه ؟

تنتقل مرمر بعينيها بينهم ثم تتكسر رأسها

مرمر :

اللى هتشفوه في الآخر انا موافقة عليه ...
رأي هيفرق في ايه ... سواء معاكوا .. او
مع غيركوا

محمود :

دلوقي قدامكوا حل من حلين يا صبرى انت
وهند ... يا تكونوا معانا .. يا تكونوا مش معنا
.. بس ساعتها بقى ما حدش يحيى يسألنا فيكوا
على ورث

صبرى :

لية هتوزعه بمزاجك؟ .. ولا هو كان مالك و
بتحكم فيه ده بالقانون والشرع

يبتسم محمود ابتسامة واسعة

محمود :

انت كده جبت التاييهه .. ما تبلاش معانا ..
بس اسكت وخد ورثك

يصرخ صبرى وقد شعر ان محمود جر رجله الى الفخ فتنتظر له هند بتوسل

هند :

لا يا صبرى لازم نمنعهم ... ايالك نطاوعهم
... اخرة السكة دي وحشة واحنا مش قدنا

صبرى :

وده هيحصل ازاي لو عملناها .. ما هيتعروف
وهنروح في داهية كلنا في داهية يا محمود

تصدم هند وتتركه لتجلس بجوار مرمر

بوسي :

الدكتور محذرني ان ابرة الجلوكوز تقضي
طول الوقت متعلقة ما تتشالش من دراعه
ابدا .. و الكيس بيتعلق ورا الكيس ...
الموضوع بسيط . هتنشال نص ساعة بس
... ونرجعها .. ولا من شاف ولا من دري
... مع واحد في سنه ولا حد هيأساً .. ولا
حدى هيتعتنى ... ما تنسوش اننا عمرنا ما
شوفناله لا صاحب ولا حبيب

انتي هتكوني حطب جهنم يا بوسى اللي هنتم
فيها يوم القيمة .. و يولعوا فيها بيكي

اهو على الأقل يبقى دوقنا جنة الدنيا

منصف : على قولها ... مش هيبي نار دنيا و نار
آخر .. اهو على الاقل نتحاسب على حاجة
عملناها .. بدل ما احنا طالع ميتيين ابونا في
العيشة واحنا لا اخترنا ولا كان لينا شوق فيها

صبری :
و ناوین تعلمو ها امته ؟

بعد العشا .. كل واحد يكون خلص اللي وراه
.. ونلتزم بعدها .. و المكتوب يكون

يتبادل الجميع النظارات ثم يبذلون في النهوض والتحرك تجاه الباب لتفهم يوسف

بوسي :
بقولكوا ايه .. اللي هيغير رايته ما يجيش ..
علشان انا اللي هيرجعلي مغير رايته .. بدل ما
هالخد العزا في ابويها .. هيبيقى في ابويها واخويها
او اختى

قطع

العتبة - فرش عرنوس نهار خارجي

مشهود

يجلس احمد عرنوس امام فرش عليه ملابس نسانية داخلية بينما تقترب منه ام لتجلس بجواره على الفرش صامتة سارحة بعينها بعيدا

ایه یا ام ام ... بوسی کانت عایز اکوا فی ایه
مش عادتها بعنی ... تحمکعوا ؟

نَزَّلَ فِي بَعْدِهِمَا لِتَنْتَظِرُونَ إِلَيْهِ قَلِيلًا ثُمَّ تَبْعَدُهُمَا عَنْهُ

ام ام :

احمد :

ربنا يدله طولة العمر .. ما تقوليش كده ...
ده هو اللي لامكوا .. بعد ما هيموت مش
هتبوصوا في وش بعض

ام ام :

يدله طولة العمر اكتر من كده... ليه.. نوح
عليه السلام ؟ ده غير ان مالك انت نتلهم ولا
ما نتلهم بتحشر نفسك في اللي مالاش فيه
ليه يا عرنوس .. اتلهي في اللي انت فيه
واديني الايراد خليني اغور اعمالك لقمة

وهو يخرج كيس بلاستيك ويخرج منه نقود ملفوفة باستيك ويناولها ايها

احمد :

ايه الباكبورت اللي فتح ده .. عملتك ايه انا
ع الصبح علشان المحاضرة دي

ام ام :

ما عملتش .. وهي دي مصيتك .. ما بتعملش

قطع

مشهد 3

نهار - داخلي

كواfair الاسطري

كواfair درجة ثلاثة به عدة زيان بينما يجلس الاسطري خلف مكتبه وهو رجل دميم بشدة

تدخل مرمر الى الكواfair وتتجه الى فوزي مسعد الذي يقف خلف امرأة يلعب في شعرها ويبعد
واضحا للغاية انه يداعبها حسيا حيث يلعب وراء اذنيها فيبدو على مرمر التوتر وتتجه اليه
فيلمحها فوزي فيستدير اليها

فوزي :

قطة هارتي .. اتأخرت ليه

مرمر :

ابويا شكله بيبدع وبوسى كانت عايزنا نقدر
طول اليوم حواليه .. اخر ونس يعني

فوزي :

اه .. ما انتوا مقطعوننلها شرياكوا .. و
بتقبضوكوا كل اخر شهر ... ما علينا ... يالا
يا قطتي .. ادخلي ... الاسطري عايزك

تنركه وهي تلتقط لتنظر اليه وقد عاد ليداعب الجالسة امامه فيبدو عليها الضيق لتجه الى
الاسطري

الاسطى :

شهلي يا ختي ... مش الوكالة اللي جابهالك
ابوكى دي .. انتوا تتأخروا على مزاجكوا لكن
انا لو اتأخرت ساعة ع الشهيرية ... اطلع من
البلد

ثم يخرج ورقه مكتوب عليها عنوان

الاسطى :

روحى العنوان ده

تنناول مرمر الورقة ثم تتجه للتناول حقيبة صغيرة من على الارض وتجه الى الباب فتعلو
ضحكة عالية فتجدها من الفتاة الذي يداعبها فوزي

قطع

نهار داخلى

مدرسة - فصل

مشهد 4

تجلس هند على تخته متلهالكة سارحة بعينها بعيدا بينما يعلو همس الاطفال المتكدين امامها

هند :

مش عايزة اسمع صوت وكل واحد يحط
راسه على التختة .. وللي هيرفعها .. هيتعيط

يضع الاطفال رؤسهم على التخت فتأخذ هند نفسا عميقا ولكن يعود الهمس ليعلو فتفجر هند
صائحة

هند :

انا مش قولت مش عايزة اسمع صوت ؟

ثم تأخذ عصى من امامها وتنهض وتجه الى الاطفال وتبدأ في شدهم والتلطيش فيهم بعنف

هند :

انا مش قولت مش عايزة اسمع صوت ..
مش قولت مش عايزة اسمع صوت ؟

قطع

نهار داخلى

مسجد - مرحاض

مشهد 5

يمسك صبري خيشة ويضعها بداخل جردن فيه ماء ثم يبدء في مسح البلاط وهو سارح بعينه
فيمر رجل بجواره مرتد شيش بشب بيه الكثير من الطين يلوث الارض مكان المسح

يعود صبري من شروده وينظر الى الرجل

صبرى :
يا اخي حرام عليك انت مش شايقنى بمسح

الرجل :
ما خدش بالى .. ده غير انه شغال

يعتدى صبرى ليواجه الرجل

صبرى :
شغلى انضف المريضة .. مش انضف
وساختكوا

الرجل :
انت بتعلى صوتوك على مين يا ابن الكلب انت
.. مش ناقص الا مسامحين الخرة هيعلوا
صوتهم علينا .. غور من وشي خلي الواحد
يتوضى

يتركه الرجل و يمشي متوجهها الى الحنفيات بينما يتبعه صبرى بحقن شديد و يعود ليمسح مكان
الطين الذى تركه خلفه وفجأة يؤذن للصلة يترك صبرى الخيشة ويجلس على الارض المبلولة
ساندا ظهره على احد حوانط المرحاض منتصتا للاذان ويبدو عليه التاثير الشديد

قطع

مشهد 6
نهار داخلي
شقة

تحلس سيدة سمينة على احد الكراسي و قد عرت ساقيها امام مرمر التي جلست على الارض
وبجوارها طبق حلوة وقد اخذت تتنفس ساق المرأة

المرأة :
براحة يا حتى رجليا هتلتهب

ترفع مرمر عينيها لتنظر الى المرأة متهدة

مرمر :
انا اسفه

المرأة
مالك يا مرمر .. مش مركزه ليه

مرمر :
تاييه شوية بس

تبتسم المرأة

المرأة :
لا ياختي والنبي ركزي .. دي رجلين ناس
مش كوارع بقر

تبتسم مرمر مرغمة و تعود لتكمل عملها بشroud واضح

قطع

نهار داخلي

مسجد

مشهد 7

يقف صبري ينظر الى المصلين وقد اخذ الامام يؤذن للإقامة ثم يكبر الامام

الامام :
الله اكبر

يبدأ المصلين في الصلاة بينما يقف صبري ينظر اليهم في حيرة واضحة ثم يتحرك ليخرج من المسجد تاركهم يكملون الصلاة

قطع

نهار داخلي

محل الفراشة

مشهد 8

يدخل محمود الى محل الفراشة ويتجه الى مكتبه وهو يشير الى احد العمال

محمود :
خد ياد .. احجزلي صوان و200 كرسي ما
يخرجوش الليلة .. بس نقىهم من الكسر ...
استرخص يعني

الصبي :
فرح يا معلم

محمود :
عوا .. عقال امالتك

يتركه الصبي ويمشي مبتعدا فيجلس محمود وهو يخرج محفظته ليرميها على المكتب ثم يظل ينظر اليها قليلا ويخرج منها بطاقة المكتوب عليها محمود سيد نفيسة ويظل ينظر الى اسمه ثم يضع ابهامه على اسم سيد نفيسة ليبق اسمه فقط ويظل ينظر اليه

قطع

مشهد 9

نهار داخلي مسقط في عمارة

مسقط عمارة متھالك حيث نرى الحوافظ بالية ومواسير الصرف متكسرة والمياة العفنة تساقط بينما في احد الارکان هناك مرتبة مهترئة ينام عليها منصف وهو يشرب سيجارة بانجو وهو ينظر الى السماء سارحا و وجهه ساکنا ثم ينفح الدخان بغل في الهواء

منصف :

28 مليون جنيه واسىبني ابوس رجلين
الكلاب عشان لقمة العيش ؟

ثم يقوم باطفاء السيجارة في الارض بعنف كأنه يسحقها

قطع

مشهد 10

نهار داخلي شقة سيد نفيسة - غرفة سيد

تفتح بوسى باب الغرفة وتقف تنتظر الى جسد سيد (رجل عجوز للغاية) موصل بجسمه جلوكوز ويبدو غارقا في غيبوبة

تتجه بوسى الى سنانج الجلوكوز وتقف تنتظر اليه والى النقط التي تنزل من الكيس الى الاسطوانة الموصلة بالخرطوم ثم ثلثت عينيها لتنتظر الى جسد سيد وكره وحدق الدنيا كله يتفاوض من عينيها

فجأة تنهار باكية ويبدا جسدها فى الارتجاف بقوة و تحاول ان تستند على اي شيء حولها فلا تجد الا حامل الجلوكوز فتسند عليه ولكنه يهتز ويقاد يقع فيبدو عليها الرعب الشديد عندما ترى الخرطوم يخرج من الكيس و تهم بسرعة لجعل الحامل يرتكز و تضع الخرطوم بسرعة وتوقف تنتظر لماحدث برعاب ثم تجري بسرعة خارجة من الغرفة

قطع

مشهد 11

نهار داخلي شقة سيد نفيسة - الصالة

تخرج بوسى من الغرفة جارية وهي ترتعش وت بكى وترمي نفسها على اقرب كرسي وتجلس ترتجف بقوة وتحاول ان تنظم نفسها وتظل تحاول ولكنها لا تستطيع ان تتمالك نفسها وتسرح عينيها بعيدا

قطع

مشهد 12

ليل داخلي فلاش باك شقة سيد نفيسة - غرفة سيد

نرى بوسى وهي طفلة في الثانية عشر من عمرها نائمة في حضن امرأة اربعينية هي والدتها وقد بدا عليها المرض الشديد بينما يقترب سيد وهو في عنفوانه ليقف امام الفراش وينظر اليها

فلا يلمح بوسى التي فتحت عينيها لتنابعه وهو يقترب من امها وفجأة يتناول مخدة من على السرير ويقوم بكلم انفاس امها فيبدو على بوسى الرعب الشديد فتفقد بأغلاق عينيها خوفا ورعبا يمر قليل من الوقت لنفتح بوسى عينيها لتجد سيد وقد خرج من الغرفة وتجد امها بجوارها ساكنة وقد فارقتها الروح فتبدأ في هزها ببطء

بوسي :
يا امة ... امة .. انتي مش بتتردي ليه يا امة ؟

فلا تستجيب امها فيبدو على بوسى الرعب فتجري خارجة من الغرفة بسرعة

قطع

نهار داخلي

مشهد 13

شقة سيد نفيسة - غرفة

تفتح بوسى باب وتقف تنظر الى اخواتها الثنائيين بمختلف اعمارهم وتجد منصف وهو طفل يبلغ من العمر عاما يبكي بشده فتنوجه اليه والدموع تغرق وجنتيها والرعب يحاصر حواسها وتحمله وتربت عليه ثم تتجه لتجلس بجوار اخواتها وتستمر فى تهنة الطفل بينما تسمع صوت اقدام تقترب من الباب فتحاول ان تصطعن النوم وان تكتم صوت الطفل

يفتح الباب ليقف سيد على الباب بينما تحاول بوسى ان تكتم نفس الطفل الباكى وان تحافظ على تمثيلها النوم حتى يقوم سيد بأغلاق الباب فتهضم محضنة الطفل الباكى وهي تنظر الى الباب ومازال الدموع تغرق وجنتيها وهي تنظر الى خيال سيد وهو يبتعد من خلف الباب

قطع

نهار داخلي

مشهد 14

شقة سيد نفيسة - الصالة

تمس بوسى الدموع الي جرت على خودها ثم تغمض بوسى عينيها وتجمع انفاسها ثم تفتحهما وتتجه الى الكتبة لتجلس عليها منتظره مرور الوقت

قطع

نهار داخلي

مشهد 15

امام مدرسة - توك توك

توقف هند امام المدرسة وتشير الى توك توك ليقف لها

هند :
اول الشارع

سائق التوك توك :
اركبي

تركيب هند التوك توك وتبعد شارة ... ثم تنظر إلى السائق

هند :
نزلني هنا

سائق التوك توك :
هو احنا لسه اتحركتنا

هند : ياعم انت مش ليك الجنيه .. هتاخده ..
وانزل مطرح ما احب .. نزلني بقولك

يتوقف التوك توك فتناوله هند الجنيه وتمشي مسرعة

قطع

مشهد 16
نهار - داخلي
امام مسجد

يجلس صبرى على الأرض بجوار المسجد بينما يلمح هند تقترب من المسجد فيستغرب و
ينهض ليقف منتظراً لها

صبرى :
ايه اللي جاييك هنا ؟

هند :
احنا هنسبيهم يعملوا المصيبة دي ونقف
ساكتين حطين ايدنا على خدنا ؟

يتلفت صبرى حوله

صبرى :
هو ده مكانه ولا ده وقته ؟

هند :
كلها كام ساعه وهيتلموا يا صبرى .. يعني
ما قدمناش وقت غير دلوقتى

صبرى :
انتي عايزه ايه يا هند

هند :
نمنعهم ... نقف قصادهم .. نفضحهم .. نعمل
اي حاجة نرضي بيها ضميرنا

صبرى :
مش هنقدر .. همه النيه اخدتهم خلاص

هند:

صيري : غصب مين يا ام غصب .. وهو الغصب
بيأكل مع بوسى ولا مع محمود ؟

**خلاص يا صبري .. يبقى نمنعهم بالحيلة
بالميودة ... لازم نمنعهم باي طريقة**

صبری :
بتفکری فی ایه ؟

نخطف ابونا .. ونخليه عندي او عندك ..
 ساعتها بوسى مش هيفق ليها بد عليه ولا
 حد منهم كمان .. ونقدر نجبرهم .. يتراجعوا
 عن اللي في دماغهم ..

صبری :

قطع

نهار داخلى

شقة سيد نفيسة - الصالة

مشهد ۱۷

طرق احدهم على الباب فتنبض يوسي لتنげ الى الباب وتفتحه لتجد طفلة في العاشرة

بوسي:

شروع:

تنظر بوسى الى النتيجة المعلقة

بس النهارده مش دورکوا .. اکید امک غلطانة

• • •

ثم تتجه للتصل برقم ما فتجده مغلق

بوسي :
تليفون امك مقول ليه .. متاكده انها عيزاني
بدل ما ادب المشوار ع الفاضي

شروق :
ابويا عازم ناس ع العشا النهارده .. وقال
لأمى على فجأة .. فعايزاكي تساعديهما

تفهم بوسى

بوسي :
طب استيني اتلافي الطرحة واجي معاكي

تنجه بوسى الى الكنبة وتطل على ابوها من باب الغرفه اثناء سيرها ثم تصل الى الكنبة لتناول
الطرحة و تفكر قليلا قبل ان تضعها على رأسها ثم تقوم بوضعها وتلتقت الى شروق و تمشي
تجاه الباب

بوسي :
يلا يا شروق

قطع

نهار داخلى

شارع امام منزل سيد نفيضة

مشهد 18

يقف صبري وهند في الشارع على بعد يتبعان بوسى وهي تخرج من مدخل البيت مع شروق
وتمشي مبتعدة

هند :
روح انت .. هات تاكسي بس السوق بيقى
معرفة .. وانا هطلع الف ابويا .. واجهزه

صبري :
وهنقدرني تشليه لوحدك ؟

هند :
وهو عاد فيه .. ده بقى خف الجرنال ..
بوسي بتشيله لواحدها وهي مش اعفى مني
يلا انجز انت قبل ما ترجع

صبري :
ربنا يستر ..

قطع

مشهد 19

نهار داخلي

شقة سيد نفيسة - الصالة

تدخل هند الى الصالة وتغلق خلفها بسرعة وتقف تنظم انفاسها ... ثم تتجه بسرعة الى غرفة
سيد

قطع

مشهد 20

نهار داخلي

شقة سيد نفيسة - غرفة سيد

تقف هند امام الفراش الراقد عليه سيد وتقوم بوضع ملاءه عليه وتقوم بلفه بالملاء ثم تحاول ان
تحمله فلا تستطيع

فتقف لستجتمع قوتها وتهمل لتحمله مرة اخرى فلا تستطيع

هند :

ايه التقل ده .. ده انا كنت فكراك خسيت

تخرج هاتفها المحمول وتتصل بصبرى

هند :

جبت العربية .. طيب ... ابوك طلع تقيل يا
صبرى .. ومش قادرة اشيله لوحدي ...
يعنى ايه تعمل ايه .. او مال انا بكلمك عيافة ..
اطلع شيل معايا

قطع

مشهد 21

نهار داخلي

شارع امام منزل سيد نفيسة

يقف صبرى امام سيارة اجرة يتحدث في هاتفه المحمول

صبرى :

اشيل ايه ... انا ضهرى ما يتحملش شيل ..
قولتك من الاول بلاها .. عملتى فيها السبع
رجالة ... اكتفى .. هتتيل اطلع ... اجيب
السوق يشيل معانا ... خلاص خلاص يا
ستي

يغلق صبرى الهاتف ويتجه بسرعة الى مدخل العمارة

قطع

نهار داخلي

شقة سيد نفيسة - الصالة

يخرج كل من صبري وهند من غرفة سيد وهم يحملون جسده الملفوف بملاءة

صبري :

ايه التقل ده .. امال لو ما كنش راقد من سنين
 .. هو راقد عيا ولا تربية لحم

هند :

انا ضوري هيقطنم .. مش قادرة خالص ..
 استرجل شوية يا صبري خلينا نشهل

يفتح باب الشقة لتقف بوسى عليه

بوسى :

اجي اشيل معاكوا

يقف الاثنان ينظرا اليها برب

بوسى :

طب استتصحي و نقى حد بيفهم شوية عن
 ام شروق .. يحور عليها يا هند ..

يصمت الاثنان بلا رد

بوسى :

دخلوه مطروح ما خدتوه .. و الملاية تتحقق
 و ترجع الدولاب .. وارجعولي

يتحرك الاثنان بشكل آلى الى داخل غرفة سيد بينما تتجه بوسى الى لكتبة لتجلس
 يخرج الاثنان من الغرفة ليقفوا ينظرا اليها

بوسى :

انا مش حاسبوكوا على اللي انتوا عملتوه ده
 .. ولا حتى هقول لاخوتوكوا .. بس انتوا ما
 بقاش من حقكوا حتى تفكروا ما تجوش ..
 خلاص .. الحق ده ضيعتوه على نفسكوا ...
 هستناكوا بعد الادان .. وانتوا اول ناس
 هتنيجو

قطع

مشهد 23

ليل خارجي

المسجد

نرى ماذنة مسجد ينطلق منها الاذان

قطع

مشهد 24

ليل داخلي

شقة سيد نفيسة - صالة

نرى بوسى مازالت جالسة في مكانها و قد امسكت المصحف و اخذت تقرأ فيه مع مراعاة عدم نظرها للمصحف كثيرا دلالة على حفظها للاية

: بوسى

فِيمَا نَصَبُهُمْ مِيَمَّا قَهُمْ وَكُفَّرُهُمْ بِآيَاتِ اللَّهِ وَقَتَّلُهُمْ
 الْأَنْبِيَاءَ بِغَيْرِ حَقٍّ وَقُولُهُمْ قُلُوبُنَا غُلْفٌ بَلْ طَبَعَ
 اللَّهُ عَلَيْهَا بِكُفَّرِهِمْ فَلَا يُؤْمِنُونَ إِلَّا
 قَلِيلًا... وَبِكُفَّرِهِمْ وَقُولُهُمْ عَلَى مَزِيمٍ بُهْتَانًا
 عَظِيمًا..... وَقُولُهُمْ إِنَّا.....

ينطلق الاذان فلا تكمل بوسى الاية و تنظر الى الشباك القادر منه صوت الاذان فتنتهي و تأخذ نفسا عميقا و تنهض لتجه الى الحوض الموجود بجوار مدخل الصالة المؤدي الى الحمام و تبدأ في الوضوء حتى تنتهي و تتجه الى الكتبة لتسحب من عليها سجادة الصلاة

تفق بوسى تنظر قليلا الى المصالية بشيء من الخجل ثم تقوم بوسى بالتكبير و تستعد للصلوة و اثناء تلاوة القرآن نجد الدموع تنهمر من عينيها بشدة فتسقط يمينا و يسارا و تخرج من الصلاة و تقف تبكي بشدة وهي ترتجف

قطع

مشهد 25

نهار داخلي

محل الفراشة

نرى محمود جالسا ينظر الى باب المحل الاتي منه صوت الاذان فينادي على صبي المحل

: محمود
 انت ياد

يقترب منه

: الصبي
 او مرنى

: محمود
 انا بنادي عليك بقالى قد ايه ؟

الصبي :
والله ما سمعت الا دلوقتي

محمود :
ما هو علشان عقلك مش في دماغك ...
غورافردي السجاد خليني اخطف الفرض

الصبي :
شوفت انك ظالمني ... مفرودة من اول ما
قال الله اكبر و مستياك

محمود :
طب اخفى

ينهض محمود ويتجه الى سجادة الصلاة وينوي الصلاة ويكبر واثناء الصلاة يسرح بعينيه بعيدا

قطع

مشهد 26

ليل داخلي
شقة فوزي مسعد - غرفة النوم

نرى مرمر شاردة تنظر الى الراديو الخارج منه صوت الاذان

يدخل فوزي

فوزي :
انتي مش عجباني من الصبح على فكرة يا
مرمر ... فيكي حاجة غلط و مش مظبوطة

مرمر :
لية بس ما انا كويسة

فوزي :
ده على اساس اني عارفك امبراح ؟

مرمر :
شوية زهق بس يا فوزي .. شلنی من دماغك
و ما ترکزش معانيا .. وانت مش هتاخذ بالك
من حاجة

فوزي :
طب ما تجي اضيعك الزهق ... ساعة في
قرب الحبيب وتبقى اخر فرشة

مرمر :
والنبي انت فايلق .. و ساعة ايه يا ابو ساعة
ما تخليني ساكتة احسن

تنهض من جواره فيمسك يدها بدلال

فوزي :
يا بت هضيعلك الزهر

مرمر :
متوضية يا فوزي و مش عايزة اتنجس .. و
حل عن نفوخي ..انا روحني في مناخيري و
النفس اللي بيطلع مني ولا غاز البوتاجاز ..
يعني على تكة وانفجر

وهي تنجه لتخرج فينهض فوزي خلفها

فوزي :
متوضية ٩٩٩ وده من امتي

تلتفت مرمر اليه

مرمر :
من الليلة و طالع .. عندك مانع .. هتعارض ..
هتقرفي في حياتي اكتر ما انا قرفانة ...
سيبني في حالي يا فوزي احسن ما
والمصحف الكريم .. هرمي نفسي من المسقط
.. و ارتاح منك ومن قرفك ومن قرف الدنيا
... اللي ما بيخلاش

ثم تتركه و تدخل الى غرفتها

قطع

ليلـ داخلي
شقة إم إم – الصالة

مشهد 27

نرى هند تجلس على الكنبة خلف احمد الذي جلس على الارض يأكل بعيش بلدي من طبق كوسة بالدمعة امامه ويتابع التلفزاز الذي عليه الاذان فيفتح باب احد الغرف وتخرج منه إم إم تقف تنظر الى هند وقد ارتدت اسدال الصلاة فتنتظر لها هند باستغراب

هند :
هتصلي ؟

إم إم :
اه .. عندك مانع

هند :
ويا ترى ربنا هيقبل ؟

احمد :

ومش هيقبل ليه يا هندحرام عليكي .. ما
تسبيها يمكن ربنا يهدىها و يهدى سرها

ام ام :

يهدي الضال وابن الحرام يا عنيا .. يعني
يهدي عيلتك .. و اللي مخلفينك خليك ساكت
وحف في الكوسه براحتك .. احسن ما اجي
اطفالهك

احمد :

والنبي تتواضي مهما تتواضي .. طول ما
لسانك الزفر ده في بقاك .. وضوك منقوص

تركه ام ام وتتجه لتمسک سجادة الصلاة

هند :

استتنيا ام ام .. هقوم اتواوضي و اجي اصلی
معاكي .. يمكن ربنا ينجدني

تتجه هند الى الحمام بينما تتجه ام ام الى احدى الغرف فينظر احمد باستغراب شديد اليهما

احمد :

عيلة نفيسة نداهانبي ولا ايه

قطع

ليل- خارجي

مشهد 28

مقهى

نرى صبري جالس على احد المقاهي و بجواره كوب شاي لم يشرب منه و بيبدو عليه انه بارد
يستمع الى الاذان في ترقب بينما يمر امامه منصف وهو يدخن سيجارة ويقف لينظر الى
صبري فيرمي السيجارة و يتوجه اليه

منصف :

ايه .. مش يالا

يرفع صبري عينيه الى منصف

صبري :

هو احنا اتأخرنا ولا ايه؟ .. هي قالت قبل
الصلاه ولا بعدها ...انا مش فاكر

منصف :

بعد .. بس عقبال ما نوصل

صبرى :
انا هروح اصلى الاول

منصف :
طب اطلبلي شاي وحاسب عليه ... وانا
هستناك هنا عقبال ما ترجع .. بس كفاية
الفرض .. مش وقت سنة

صبرى :
تعالى صلي معايا

منصف :
تصدق وتأمن بالله

يصمت صبرى و ينظر اليه

منصف :
قول لا الله الا الله يا راجل

صبرى :
لا الله الا الله

منصف :
بحق الشهادة .. ما حافظ الصمديه

صبرى :
تعالى بس و ابقى قول ورايا

منصف :
بقولك ايه .. لو فاكر ان ربنا بيتضحك عليه
خدها مني انا ياللي لا حافظ فاتحة ولا قل
اعونوا ... ما بيضحكش عليه .. مش هنبقى
رايحين نقتل .. ونتووضى قبلها ونقول الله
اكبر .. احنا مش رايحن ندبح عجب الاضحية
يا صبرى ... احنا رايحين نقتل ابوك .. انا
هسبقك .. لما تبقى تخلص صلاة .. حصلني
.. ومش عايز الشاي يا سيدى .. بكره انا اللي
هزعمكوا كلکوا

قطع

ليل داخلى
شقة سيد نفيسة - الصالة

مشهد 29

يجتمع السبع اخوات في الصالة صامتين فيقطع الصمت منصف

منصف :

احنا هنباش هنا ولا ايه ؟ مش من جمال قعدتنا
قوي .. هنقدر باصين في وش بعض

محمود :

مش ياللا

صبرى :

بقولكوا ايه .. ما نفكرا مرة كمان و نصبر
يمكن ربنا يريد .. ويحلها من عنده

هند :

انا من رأى صبرى برضه .. ابوكي القبر
بيناديه يا بوسى .. واحنا صبرنا الكبير ..
شوية كمان مش هيضرروا

بوسى :

دي عيلة ما بتموتش .. جدك قفل الـ 100
حول .. وقعد 15 سنة راقد .. انا مش
هستحمل اكتر من كده وقولتوكوا الصبح اللي
هيجي مغير رأيه ما يجبيش .. وانتي وهو
بالذات .. قولتوكوا بعد كده هتيجوا و مالكوش
رأي

ام أم :

اشمعنى يا بوسى .. و قولتهم امتى .. ما
سمعتكيش قولتهم كده واحنا مجتمعين
الصحبة

بوسى :

البيه والهانم .. حبوا يغدوا وقال ايه
بيستغفلوني انا و عايزيين يهربوا ابوكوا

ام ام :

اه هو من اولها غدر .. الكلام ده ما يطمنش
.. يا بوسى ... اللي يخليهم يلعبوا بدileهم قبل
.. يخليهم يلعبوا بعد .. ودي الغلطة فيها
بفورة يا عنيا

بوسى :

ما علشان كده قولتهم هتيجوا غصب .. اللي
هيحصل ما ينفعش يخرج برانا .. والا اللي
هيخرجه هيروح معانا في الرجلين

محمود :
 ببقي نقرأ الفاتحة

صبرى :
 فاتحة ايه اللي نقرأها .. هو احنا داخلين
 خطب واحدة .. ده احنا داخلين نقل .. ومش
 اي قتيل ده ابونا .. انتوا هتهرجوا ولا ايه ..
 انا مش هقرى فاتحات

محمود :
 الفاتحة مش ع القتل .. الفاتحة ع اللي يخون
 يا صبرى ع اللي يبني ع الغدر.. احنا هيبقى
 في بينما سر يوم ما هيطلع برنا .. هنروح في
 داهية

ترفع بوسى يدها

بوسى :
 بِسْمِ اللَّهِ الرَّحْمَنِ الرَّحِيمِ

يرفع منصف يده ليبدأ في القراءة وبعدة محمود ثم إم م وتتردد مرمر ثم ترفع يدها ثم تنظر هذه
 إلى صبرى اللذان يبدو عليهم الرفض ورغم ذلك يرفعان يدهما وليبدأ في القراءة

نسمع في الخلفية تتمت صوت الجميع أثناء القراءة

صوت الجميع :
 الحمد لله رب العالمين (2) الرحمن الرحيم
 (3) (مالك يوح الدين (4) إياك نعبد وإياك
 نستعين (5) (اهدنا الصراط المستقيم (6)
 صراط الذين أنعمت عليهم غير المغضوب
 عليهم ولا الضالين .. أمين

فجأة يأتي من الغرفة صوت سيد نفيسة

صوت سيد :
 يا بوسى .. يا بوسى

يلتفت الجميع إلى باب الغرفة بربع ويبدو عليهم الدهش

منصف :
 ده فاق ازاي ده ؟

صبرى :
 تبقى مصيبة لو كان سمعنا ... باب الاوضة
 مفقول ولا موارب

بوسي :
مقوول .. وانا جوا ما بسمعش اللي برا

هند :
ده انتي ... لكن هو اكيد سمعنا ده كان بيسمع
دبة النملة .. انتي ناسية ولا ايه

تلطم مرمر على وجهها بصوت خفيض

مرمر :
يا مصيبيتي .. يا مصيبيتي

محمود :
مش وقت ولولة خلاص .. اخرسي مش هنأك
اللي شاكين فيه و نسمعه عنية

ام ام :
هو فاق قبل كده وانتي معاه

بوسي :
اول مرة اسمع صوته من 6 سنين .. ده انا
كنت نسيت الصوت اصلا ..

ينظر السبعة الى الباب برعب شديد فيأتي صوت سيد مرة اخرى

صوت سيد :
يا بوسى

يتحرك السبعة الى الغرفة

قطع

ليل داخلي 30 مشهد
شقة سيد نفيسة - غرفة سيد

يقف السبعة ينظرون الى جسد سيد الرقاد على الفراش بينما تتحرك بوسى لتجلس بجواره

بوسي :
ايوة يا ايه

سيد :
عايز اشرب

تنظر بوسى اليهم وتتبادل النظارات معهم ثم تتحرك تاركة ايام صامتين ينظروا اليه

تعود بوسى بكوب ماء وتتجه الى الفراش لتجلس بجواره وترفع رأسه وتبدأ في سقيه ثم تعود
لتضع رأسه على المخدة ليرفع عينه وينظر اليهم

سيد :

ايه اللي جاب ولاد الحرام دول هنا؟.. انا
مش قايلك ما حدش منهم يعتب عتبة الشقة ...
ليه بتكسرى كلمتي .. ولا علشان العيا هدنى
خلاص بقىت هفية ما بيسمع ليش كلمة

متلثمة

بوسي :

جاين يطمنوا عليك يا ابه

سيد :

قصدك جاين يطمنوا هموت امتي .. فاكرين
تحت القبة شيخ .. فاكرين اني بعد موتي
هيعيشوا متهندين ... ده بعينهم ... اطلعوا بره
يا ولاد الزانية .. اطلعوا بره

يتبادل الجميع النظر فيما بينهم ثم ينظرون الى بوسي التي تشير لهم بأن يخرجوا فيخرجوا
ترబت بوسي على كتفه بهدوء

بوسي :

نام انت وارتاح يا ابه

سيد :

اطرديهم ... يا بوسي ... اطردي ولاد
الحرام دول .. ريحيني واطرديهم

بوسي :

حاضر يا ابه .. هريشك والله و هخرجهم ..
بس نام انت .. نام وارتاح

قطع

مشهد 31

ليل داخلي

شقة سيد نفيسة - الصالة

يقف السست اخوات صامتون ينظرون الى باب الغرفة الذي يفتح وتخرج منه بوسي لتقف تنظر
اليهم في صمت

بوسي :

عارفين طلب مني ايه قبل ما يرجع ينام؟.

ينظر لها الجميع متظارين ان تكمل

بوسي :

. اجلله المحامي بتاعه .

صبرى :
وهو من امتنى عنده محامي

ام ام :
وهو من امتنى عنده ملابس

هند :
هو لسه فايق ولا راح في الغيبة تاني ؟

بوسي :
راح

مرمر :
و العمل يا بوسى .. انا مرعوبة

منصف :
العمل عمل ربنا .. مش وقت قلوب رهيفة

بوسي :
العمل عمل ربنا ... لسه في حد فيكوا
عايزنا نأجل؟ .. ونستنى قضى ربنا و قدره؟

يصمت الجميع دون رد فتنتظر بوسى الى عيونهم فيحاول صبرى وهند تلاشى النظر اليها

محمود :
اتكلى على الله

تلتفت بوسى مري اخرى الى الباب لتتمد يدها وتضعها على اكوره الباب

قطع

مشهد 32
ليل داخلى
شقة سيد نفيسة - غرفة سيد

تقف بوسى بجوار ستاند الجلوكوز تنظر اليه ثم تنظر الى جسد سيد ثم تمد يدها لخلع الخرطوم من اسطوانة التنقيط

نرى اول نقطة تسقط على الارض وتصدر صوت مدوى

قطع

مشهد 33

ليل داخلي

شقة سيد نفيسة - الصالة

نرى محمود واقفا قلقا للغاية ونسمع صوت دقات قلبه مرتفع للغاية

قطع

مشهد 34

ليل داخلي

شقة سيد نفيسة - غرفة سيد

نرى بوسى تقف تنظر الى النقط وهي ترطم بالارض ونسمع صوت الارتطام كالقنابل

قطع

مشهد 35

ليل داخلي

شقة سيد نفيسة - الصالة

نرى صبري وهند جالسان والقلق والندم على وجههما وصوت دقات قلبهما في الخلفية يتعالى .

قطع

مشهد 36

ليل داخلي

شقة سيد نفيسة - غرفة سيد

نرى بوسى تنظر الى جسد سيد في انتصار واضح وما زالت نقط الجلو كوز تنهر وصوت ارتطامها عاليا

قطع

مشهد 37

ليل داخلي

شقة سيد نفيسة - الصالة

تجلس مرمي وقد اصبح وجهها شاحبا كالموتى ونسمع صوت دقات قلبها متتسار عليه بشكل مبالغ فيه

قطع

مشهد 38

ليل داخلي

شقة سيد نفيسة - غرفة سيد

تنتظر بوسى الى كيس الجلوكوز الذي قارب على الانتهاء بينما النقط ما زالت ترطم على الارض بصوت مدوٍ

قطع

مشهد 39

ليل داخلي

شقة سيد نفيسة - الصالة

تفق ام ام قلقة للغاية ودقات قلبها تتبعالي كالقلاب بينما يقف بجوارها منصف يدخن سيجارة في
هدوء ولا نسمع صوت دقات قلبه نهائيا

قطع

مشهد 40

ليل داخلي

شقة سيد نفيسة - غرفة سيد

تمسك بوسى رسع سيد لتجسس النبض ثم تعود لتوصيل الخرطوم في الكيس الفارغ ليتوقف
صوت ارتطام النقط بالارض بينما يتبعالي صوت دقات القلب الاتي من الصالة بينما تقوم بوسى
برمي فوطة على الجلوكوز المنسال على الارض

قطع

مشهد 41 (الفيناله)

ليل داخلي

شقة سيد نفيسة - الصالة

تفق ام وبحوارها منصف بينما تجلس مرمر وهند وصبرى بينما يقف محمود وبيدو على
الجميع القلق الشديد والتوتر ما عدا منصف الذي يbedo باردا للغاية و تتبعالي صوت دقات القلوب
بشدة

تفتح بوسى الباب لتخرج من غرفة سيد تاركة الباب خلفها موارب بينما يتبعالي صوت دقات
القلوب للحد الاقصى وهم ينظرون اليها في توتر واضح وفجأة تشوخ بوسى بيدها وتصرخ
ليتوقف صوت دقات القلوب مرة واحدة

بوسي :

ابوها مات .. ابوبا مات

يبتسم منصف بينما ينكمص صبرى رأسه ويأخذ محمود نفسا عميقا بينما تأخذ مرمر في اللطم
والصرير بينما تنهار هند باكية وتجري ام ام على الشباك لتفتحه وتبدأ في الصراخ في الشباك

ام ام :

مات اللي كان مجمنعا .. مات اللي كان
لاممنا .. مُت يا سندى .. مُت يا ضهرى

يتبعالي الصراخ والبكاء بشدة ونرى الجميع في تلك الحالة بينما من خلال فتحة باب غرفة سيد
المواربة نرى الفراش خالي ولا يوجد عليه جثة سيد

نهاية الوصية الأولى